

AUGLÝSING

um birtingu á ESB-gerð á sviði fjármálaþjónustu
sem taka á upp í EES-samninginn.

Til stendur að taka eftirtalda reglugerð upp í samninginn um Evrópska efnahagssvæðið, sbr. auglýsingu í C-deild Stjórnartíðinda nr. 31/1993 þar sem samningurinn var upphaflega birtur:

Framseld reglugerð framkvæmdastjórnarinnar (ESB) 2025/1496 frá 12. júní 2025 um breytingu á reglugerð Evrópuþingsins og ráðsins (ESB) nr. 575/2013 að því er varðar framkvæmdar-dagsetningu krafna um eiginfjárgrunn vegna markaðsáættu.

Reglugerðin er birt sem fylgiskjal með auglýsingu þessari. Birtingin er liður í undirbúningi þess að fjármála- og efnahagsráðherra leggi fyrir Alþingi lagafrumvarp til innleiðingar á reglugerðinni í íslenskan rétt. Reglugerðin verður jafnframt á síðara stigi birt í EES-viðbæti við Stjórnartíðindi Evrópusambandsins.

Þetta er hér með gert almenningi kunnugt.

Fjármála- og efnahagsráðuneytinu, 6. október 2025.

F. h. r.
Guðrún Þorleifsdóttir.

Gunnlaugur Helgason.

Fylgiskjal.**FRAMSELD REGLUGERÐ FRAMKVÆMDASTJÓRNARINNAR (ESB) 2025/1496****frá 12. júní 2025****um breytingu á reglugerð Evrópuþingsins og ráðsins (ESB) nr. 575/2013 að því er varðar framkvæmdardagsetningu krafna um eiginfjárgrunn vegna markaðsáættu**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) nr. 575/2013 frá 26. júní 2013 um varfærniskröfur að því er varðar lánastofnanir og um breytingu á reglugerð (ESB) nr. 648/2012 ⁽¹⁾, einkum 2. mgr. 461. gr. a,

og að teknu tilliti til eftirfarandi:

- 1) Reglugerð (ESB) nr. 575/2013 var breytt með reglugerð Evrópuþingsins og ráðsins (ESB) 2019/876 ⁽²⁾, m.a. til að taka upp í þá reglugerð, sem kröfu um skýrslugjöf, gagngera endurskoðun á veltubók (e. *Fundamental Review of the Trading Book (FRTB)*) sem eru heildarkröfur um eiginfjárgrunn vegna markaðsáættu sem Basel-nefndin um bankaeftirlit þróaði. Reglugerð (ESB) nr. 575/2013 var aftur breytt með reglugerð Evrópuþingsins og ráðsins (ESB) 2024/1623 ⁽³⁾, m.a. til að umbreyta stöðlunum um gagngera endurskoðun á veltubók yfir í bindandi kröfur fyrir útreikning á kröfum um eiginfjárgrunn vegna markaðsáættu.
- 2) Þar sem alþjóðleg viðskiptastarfsemi er í eðli sínu mikil samkeppnisstarfsemi voru staðlarnir um gagngera endurskoðun á veltubók samþykktir á þeirri forsendu að innleiðing þeirra í öllum lögsagnarumdæmum, bæði hvað varðar efnislegt innihald og tímasetningar, myndi tryggja jafna samkeppnisstöðu á alþjóðavísu fyrir viðskiptastarfsemi stofnana. Vöktun á innleiðingu staðlanna um gagngera endurskoðun á veltubók í lögsögu annarra aðildarríkja Basel-nefndarinnar um bankaeftirlit, og einkum í þeim lögsögum sem hýsa marga alþjóðlega virka banka, á síðustu tveimur árum hefur sýnt að vegna seinkana á innleiðingu staðlanna um gagngera endurskoðun á veltubók í þessum lögsögum er veruleg hætta á að jöfn samkeppnisskilyrði á alþjóðavísu raskist. Til að taka á þeirri áhættu og afla frekari upplýsinga um tímalínu innleiðingar og raunverulegar reglur í öðrum lögsögum notaði framkvæmdastjórnin, í júlí 2024, þær valdheimildir sem fram koma í 2. mgr. 461. gr. a reglugerðar (ESB) nr. 575/2013 til að samþykkja framselda reglugerð framkvæmdastjórnarinnar (ESB) 2024/2795 ⁽⁴⁾ til að fresta beitingu staðlanna um gagngera endurskoðun á veltubók fyrir útreikning á kröfum um eiginfjárgrunn vegna markaðsáættu í Sambandinu um eitt ár til 1. janúar 2026.
- 3) Á síðustu mánuðum hefur vöktun á innleiðingu staðlanna um gagngera endurskoðun á veltubók leitt í ljós að þó að í fáeinum lögsögum hafi orðið framvinda í innleiðingarferlinu er óvissan um tímalínu innleiðingar í lögsögum með marga alþjóðlega virka banka ennþá mjög mikil og frekari seinkunar vænst eða verið staðfest. Því er nauðsynlegt að fresta beitingu staðlanna um gagngera endurskoðun á veltubók fyrir útreikning á kröfum um eiginfjárgrunn vegna markaðsáættu í Sambandinu um eitt ár til viðbótar.
- 4) Frestun á beitingu staðlanna um gagngera endurskoðun á veltubók hefur þær afleiðingar að til 1. janúar 2027 ætti stofnunum að vera skylt að beita áfram rammanum fyrir markaðsáættu sem mælt er fyrir um í þeirri útgáfu reglugerðar (ESB) nr. 575/2013 sem var í gildi 8. júlí 2024 (þ.e. einum degi áður en reglugerð (ESB) 2024/1623 sem breytti reglugerð (ESB) nr. 575/2013 öðlaðist gildi) meðan lokið er við að innleiða aðferðir til gagngerar endurskoðunar á veltubók. Til að taka tillit til rekstrarlegs flækjustigs og kostnaðar sem sumar stofnanir standa frammi fyrir við að viðhalda núverandi eigin líkönum annað ár í viðbót, í því alþjóðlega óvissuástandi sem ríkir um innleiðingu gagngerar endurskoðunar á veltubók, og í ljósi þess að frestunin er tímabundin og skammvinn, ættu lögbær yfirvöld, við áframhaldandi mat sitt á eigin líkönum á

⁽¹⁾ Stjtið. ESB L 176, 27.6.2013, bls. 1, ELI: <http://data.europa.eu/eli/reg/2013/575/oj>.

⁽²⁾ Reglugerð Evrópuþingsins og ráðsins (ESB) 2019/876 frá 20. maí 2019 um breytingu á reglugerð (ESB) nr. 575/2013 að því er varðar vogunarhlutfall, hlutfall stöðugrar fjármögnunar, kröfur um eiginfjárgrunn og hæfar skuldbindingar, útlánaáættu mótaðila, markaðsáættu, áhættuskuldbindingar gagnvart miðlægum mótaðilum, áhættuskuldbindingar gagnvart sjóðum um sameiginlega fjárfestingu, stórar áhættuskuldbindingar, skýrslugjafarskyldu og birtingarkröfur og reglugerð (ESB) nr. 648/2012 (Stjtið. ESB L 150, 7.6.2019, bls. 1, ELI: <http://data.europa.eu/eli/reg/2019/876/oj>).

⁽³⁾ Reglugerð Evrópuþingsins og ráðsins (ESB) 2024/1623 frá 31. maí 2024 um breytingu á reglugerð (ESB) nr. 575/2013 að því er varðar kröfur vegna útlánaáættu, leiðréttingaráættu vegna útlánavirðis, rekstraráættu, markaðsáættu og úttaksgölf (Stjtið. ESB L, 2024/1623, 19.6.2024, ELI: <http://data.europa.eu/eli/reg/2024/1623/oj>).

⁽⁴⁾ Framseld reglugerð framkvæmdastjórnarinnar (ESB) 2024/2795 frá 24. júlí 2024 um breytingu á reglugerð Evrópuþingsins og ráðsins (ESB) nr. 575/2013 að því er varðar framkvæmdardagsetningu krafna um eiginfjárgrunn vegna markaðsáættu (Stjtið. ESB L, 2024/2795, 31.10.2024, ELI: http://data.europa.eu/eli/reg_del/2024/2795/oj).

Því eins árs tímabili, að nota þann sveigjanleika sem nauðsynlegur er til að forðast að kröfur um eiginfjárgrunn verði fyrir áhrifum sem ekki tengjast aukinni undirliggjandi markaðsáhættu.

- 5) Lögbær yfirvöld þurfa upplýsingar til að vakta áhrif hinnar gagngeru endurskoðunar á veltubók, greina möguleg vandamál og stuðla að upplýsingaskiptum um framkvæmdina milli þeirra og stofnana. Í samræmi við fyrirliggjandi kröfur og væntingar í tengslum við reglusetningu og eftirlit sem tilkynnt var um í kjölfar samþykktar framseldrar reglugerðar (ESB) 2024/2795 ætti stofnunum því að vera skylt að halda áfram að tilkynna um upplýsingar í tengslum við útreikning á kröfum sínum um eiginfjárgrunn vegna markaðsáhættu samkvæmt aðferðum sem giltu áður en gagnger endurskoðun á veltubók kom til sögunnar, þar til daginn þegar gagnger endurskoðun á veltubók fyrir útreikning á kröfum um eiginfjárgrunn vegna markaðsáhættu kemur til framkvæmda í Sambandinu. Á sama tíma ættu stofnanir einnig að halda áfram að tilkynna lögbærum yfirvöldum sínum um kröfur sínar um eiginfjárgrunn í samræmi við 430. gr. b reglugerðar (ESB) nr. 575/2013 miðað við útgáfuna sem var í gildi 8. júlí 2024.
- 6) Með reglugerð (ESB) 2024/1623 eru innleiddar í reglugerð (ESB) nr. 575/2013 sértækar kröfur um upplýsingagjöf vegna markaðsáhættu sem sniðnar eru að þeim kröfum sem mælt er fyrir um í hinni gagngeru endurskoðun á veltubók til útreiknings á kröfum um eiginfjárgrunn vegna markaðsáhættu. Deginum þegar ákvæði reglugerðar (ESB) 2024/1623 er varða útreikning krafna um eiginfjárgrunn vegna markaðsáhættu koma til framkvæmda skal hins vegar frestað um eitt ár til viðbótar. Í þágu samræmis ætti einnig að fresta hinum tengdu sértæku kröfum um upplýsingagjöf um eitt ár til viðbótar. Í ljósi þess hve upplýsingagjöf um kröfur um eiginfjárgrunn er mikilvæg til að viðhalda sterkum aga á markaði og til að þátttakendur á fjármála-markaði geti tekið upplýstar fjárfestingarákvarðanir ættu stofnanir í staðinn að þurfa, á þessu frestunartímabili, að halda áfram að birta um upplýsingar sem hafa þýðingu fyrir markaðsáhættu þeirra og tengdar kröfur um eiginfjárgrunn á grundvelli aðferðanna sem giltu áður en gagnger endurskoðun á veltubók kom til sögunnar.
- 7) Því ætti að breyta reglugerð (ESB) nr. 575/2013 til samræmis við það.
- 8) Framseld reglugerð (ESB) 2024/2795 gildir til 1. janúar 2026. Því er nauðsynlegt að samræma gildistökudag og framkvæmdardag þessarar reglugerðar við þann dag til að forðast misvísandi kröfur til stofnana.

SAMÞYKKT REGLUGERÐ ÞESSA:

1. gr.

Breyting á reglugerð (ESB) nr. 575/2013

Í stað 520. gr. a reglugerðar (ESB) nr. 575/2013 kemur eftirfarandi:

„520. gr. a

Beiting krafna um eiginfjárgrunn vegna markaðsáhættu

Til 1. janúar 2027 skulu stofnanir áfram beita IV. bálki í þriðja hluta og kröfunum um markaðsáhættu í 430. gr., 430. gr. b, 445. gr. og 455. gr. þessarar reglugerðar í þeirri útgáfu sem var í gildi 8. júlí 2024.“

2. gr.

Gildistaka og framkvæmd

Reglugerð þessi öðlast gildi daginn eftir að hún birtist í *Stjórnartíðindum Evrópusambandsins*.

Reglugerð þessi kemur til framkvæmda frá og með 1. janúar 2026.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 12. júní 2025.

Fyrir hönd framkvæmdastjórnarinnar,

Ursula VON DER LEYEN

forseti.